

# ՀԱՅԱՍՏԱՆԻ ՊԵՏԱԿԱՆ ԱԳՐԱՐԱՅԻՆ ՀԱՄԱԼՍԱՐԱՆԻ

## ԳՅՈՒՂԱՏՆՏԵՍԱԿԱՆ ՊԵՏԱԿԱՆ ՔՈԼԵՋԻ

### Կ Ա Ն Ո Ն Ա Կ Ա Ր Գ

#### ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի պետական ագրարային համալսարանի քոլեջը, (այսուհետև՝ «Քոլեջ»), համաձայն ՀՀ Կառավարության 2002թ. մայիսի 31-ի թիվ 643 որոշմամբ հաստատված Հայաստանի պետական ագրարային համալսարանի կանոնադրության 21-րդ կետի, համալսարանի ինքնուրույն ուսումնական կառուցվածքային ստորաբաժանում է, պետական ոչ առևտրային կազմակերպություն, որն իրականացնում է միջին մասնագիտական կրթական ծրագրեր:
2. «Քոլեջը»-ը իրավաբանական անձ չէ, չունի պետական զինանշանի պատկերով կլոր կնիք և դրոշմակնիք:
3. «Քոլեջ»-ը կարող է ունենալ իր անվամբ կնիք և ձևաթղթեր:
- 4 «Քոլեջ»-ի լրիվ անվանումն է՝  
հայերեն՝ «Հայաստանի պետական ագրարային համալսարանի գյուղատնտեսական պետական քոլեջ»:  
Ռուսերեն՝ **Государственный сельскохозяйственный Колледж Государственного Аграрного Университета Армении .**  
Անգլերեն՝ **State Agricultural College of Armenian State Agrarian Universiti**
5. «Քոլեջ»-ի գտնվելու վայրն է՝

☒ Երևան - 0009, Տերյան 74:

#### 2. «ՔՈԼԵՋ»-Ի ՆՊԱՏԱԿՆԵՐՆ ՈՒ ԽՆԴԻՐՆԵՐԸ

- ա/ Ագրոպարենային համալիրի ճյուղերի համար պետական կրթական չափորոշիչներին համապատասխան կրտսեր որակավորմամբ մասնագետների պատրաստումը:
- բ/ Հիմնական և ընդհանուր կրթություն ունեցող քաղաքացիներին Հայաստանի հանրապետության օրենսդրությամբ սահմանված կարգով՝ ընդունելությունների կանոնների համաձայն՝ «Քոլեջ»-ում ուսումը շարունակելու հնարավորության ընձեռումը:

գ/ «Քոլեջ»-ի ուսման բարձր առաջադիմություն ցուցաբերած շրջանավարտներին, համաձայն ՀՀ Կառավարության 20.05.2002թ. թիվ 589 որոշման, հնարավորություն է տրվում ուսումը շարունակելու Հայաստանի պետական ագրարային համալսարանում:

### 3. «ՔՈԼԵՋ»-Ի ԿԱՌԱՎԱՐՈՒՄԸ

6. «Քոլեջ»-ի կառավարումն իրականացվում է Հայաստանի Հանրապետության գործող օրենսդրությանը, Հայաստանի պետական ագրարային համալսարանի կանոնադրությանը և սույն կանոնակարգին համապատասխան:

7. «Քոլեջ»-ի կառավարման մարմինը՝ «Քոլեջ»-ի խորհուրդն է: Խորհրդի լիազորությունների ժամկետը 3 ուսումնական տարի է:

8. Խորհրդի անդամների թվաքանակը և կազմը հաստատում է Հայաստանի պետական ագրարային համալսարանի ռեկտորը, «Քոլեջ»-ի տնօրենի ներկայացմամբ:

9. Խորհրդի կազմում ընդգրկվում են՝

ա/ «Քոլեջ»-ում դասավանդող դասախոսներ և աշխատակիցներ,

բ/ Հայաստանի պետական ագրարային համալսարանի ռեկտորատի ներկայացուցիչը,

գ/ «Քոլեջ»-ի ուսանողական խորհրդի նախագահը,

դ/ այլ հիմնաիկներից և կազմակերպություններից հրավիրված մասնագետներ՝ «Քոլեջ»-ի տնօրենի ներկայացմամբ:

«Քոլեջ»-ի խորհրդի անդամների ընդհանուր թվի առնվազն 25 օ/՝-ը՝ «Քոլեջ»-ի ուսանողներն են:

«Քոլեջ»-ի տնօրենը չի կարող լինել խորհրդի անդամ: Նա իրավունք ունի խորհրդի նիստերին մասնակցելու խորհրդակցական ձայնի իրավունքով:

10. «Քոլեջ»-ի խորհրդի անդամը իր պարտականությունները չկատարելու կամ ոչ պատշաճ կատարելու դեպքում սահմանված կարգով կարող է հետ կանչվել «Քոլեջ»-ի խորհրդի կողմից: Այդ դեպքում «Քոլեջ»-ի խորհրդի կազմում փոփոխությունները տնօրենի կողմից սահմանված կարգով ներկայացվում է Հայաստանի պետական ագրարային համալսարանի ռեկտորի հաստատմամբ:

11. «Քոլեջ»-ի խորհուրդը՝

ա/ սահմանված կարգով առաջարկություններ է ներկայացնում «Քոլեջ»-ի կանոնադրության մեջ փոփոխություններ և լրացումներ կատարելու մասին,

բ/ մշակում է «Քոլեջ»-ի գործունեության ընդհանուր ուղղությունները, լուծում «Քոլեջ»-ի ուսումնա-մեթոդական գործունեության կազմակերպման և պլանավորման հարցերը,

գ/ սահմանված կարգով Հայաստանի պետական ագրարային համալսարանի գիտական խորհրդի հաստատմանն է ներկայացնում «Քոլեջ»-ի կառուցվածքը,

դ/ առաջարկություններ է ներկայացնում առարկայական մասնագիտական, քննական, ատեստավորող, մրցութային հանձնաժողովներ, մեթոդական միավորումներ, լաբորա-

տորիաներ, ուսումնական կաբինետներ և այլն ստեղծելու վերաբերյալ,

ե/ առաջադրում է «Քոլեջ»-ի տնօրենի թեկնածությունը,

զ/ լսում է «Քոլեջ»-ի տարեկան գործունեության վերաբերյալ տնօրենի, աշխատակիցների հաշվետվությունները, և անհրաժեշտության դեպքում Հայաստանի պետական ագրարային համալսարանի ռեկտորին առաջարկություն է ներկայացնում նրանց զբաղեցրած պաշտոնից ազատելու մասին,

է/ սահմանված կարգով Հայաստանի պետական ագրարային համալսարանի ռեկտորի հաստատմանն է ներկայացնում «Քոլեջ»-ի կառուցվածքային ստորաբաժանումների կանոնակարգերը,

ը/ Հայաստանի պետական ագրարային համալսարանի ռեկտորի հանձնարարությամբ լուծում է «Քոլեջ»-ի գործունեության հետ կապված այլ հարցեր:

12. «Քոլեջ»-ի խորհրդի նիստերը գումարվում են, որպես կանոն երկու ամիսը մեկ անգամ:

«Քոլեջ»-ի խորհրդի նիստերը համարվում են իրավագոր, եթե դրանց մասնակցում են «Քոլեջ»-ի խորհրդի անդամների առնվազն 2/ 3 - ը:

13. «Քոլեջ»-ի խորհրդի որոշումներն ընդունվում են խորհրդի նիստում՝ նրա անդամների ձայների պարզ մեծամասնությամբ և կենսագործվում Հայաստանի պետական ագրարային համալսարանի ռեկտորի հրամաններով: «Քոլեջ»-ի խորհրդի և տնօրենի միջև տարաձայնության առկայության դեպքում Հայաստանի պետական ագրարային համալսարանի ռեկտորը իրագործում է իր համապատասխան հրամանը:

14. «Քոլեջ»-ի գործունեության անմիջական և օպերատիվ դեկավարումն իրականացնում է «Քոլեջ»-ի տնօրենը, որին «Քոլեջ»-ի խորհրդի երաշխավորության և համալսարանի գիտական խորհրդի որոշման հիման վրա պաշտոնի է նշանակում և պաշտոնից ազատում է Հայաստանի պետական ագրարային համալսարանի ռեկտորը:

15. «Քոլեջ»-ի տնօրենը՝

- ա/ իրեն վերապահված իրավասության սահմաններում կազմակերպում և ղեկավարում է «Քոլեջ»-ի գործունեությունը,
- բ/ Հայաստանի պետական ագրարային համալսարանի գիտական խորհրդի հաստատմանն է ներկայացնում «Քոլեջ»-ի կանոնադրությունը,
- գ/ իր իրավասության սահմաններում գործում է «Քոլեջ»-ի անունից, ներկայացնում նրա շահերը, արձակում է կարգադրություններ, տալիս հանձնարարություններ, որոնց կատարումը պարտադիր է «Քոլեջ»-ի աշխատողների և ուսանողների համար,
- դ/ սահմանված կարգով Հայաստանի պետական ագրարային համալսարանի ռեկտորին ներկայացնում է առաջարկություններ «Քոլեջ»-ի աշխատողներին և դասախոսներին աշխատանքի նշանակելու վերաբերյալ,
- ե/ իրականացնում է ՀՀ օրենսդրությամբ, սույն կանոնադրությամբ իրեն վերապահված այլ լիազորություններ:

#### 4. «ՔՈԼԵՋ»-Ի ՈՒՍՈՒՄՆԱԿԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ

- 16. «Քոլեջ»-ում ուսուցումը կազմակերպվում է ըստ ՀՀ Կրթության և գիտության նախարարության կողմից հաստատված մասնագիտությունների անվանացանկերի, դրանց բնութագրերի առարկայական ծրագրերի և ուսումնական պլանների:
- 17. Ուսումնական գործընթացի կազմակերպման նպատակով «Քոլեջ»-ում սահմանված, կարգով ստեղծվում են առարկայական մասնագիտական հանձնաժողովներ, մեթոդական միավորումներ:
- 18. «Քոլեջ»-ում ուսանողների ընդունելությունը կատարվում է հիմնական և ընդհանուր կրթություն ունեցող քաղաքացիներից՝ Հայաստանի հանրապետության օրենսդրությամբ սահմանված՝ ընդունելության կանոնների համաձայն:
- 19. «Քոլեջ»-ում ուսուցման հիմնական ձևը ցերեկային (արտադրությունից կտրված) ուսուցումն է, որը կազմակերպվում է դասախոսությունների, գործնական (սեմինար) և լաբորատոր պարապմունքների, ուսումնական և արտադրական պրակտիկաների և խորհրդատվությունների միջոցով:  
ՀՀ օրենսդրությամբ սահմանված կարգով «Քոլեջ»-ում կարող են կիրառվել նաև ուսուցման հեռակա, երեկոյան և դրսեկ (էքստենս) ձևերը:

20. «Քոլեջ»-ում ուսումնական գործընթացը կազմակերպվում է երկու կիսամյակից բաղկացած ուսումնական տարով: Յուրաքանչյուր կիսամյակ ավարտվում է քննաշրջանով:
21. «Քոլեջ»-ի ուսումնական պլաններով նախատեսված բոլոր պահանջները կատարած ուսանողներին տրվում է ՀՀ կառավարության կողմից հաստատված պետական մնուշի ավարտական վկայական (դիպլոմ)՝ կրտսեր մասնագետի որակավորմամբ:

#### 5. «ՔՈԼԵՋ»-Ի ԱՇԽԱՏՈՂՆԵՐԸ ԵՎ ՈՒՍԱՆՈՂՆԵՐԸ

22. «Քոլեջ»-ի աշխատողների պարտականությունները սահմանվում են ՀՀ օրենսդրության հիման վրա՝ Հայաստանի պետական ագրարային համալսարանի կողմից:

#### 6. «ՔՈԼԵՋ»-Ի ԳՈՒՅՔԸ ԵՎ ՖԻՆԱՆՍԱԿԱՆ ՄԻՋՈՑՆԵՐԸ

23. «Քոլեջ»-ի գույքը և ֆինանսական միջոցները պատկանում են Հայաստանի պետական ագրարային համալսարանին:
24. «Քոլեջ»-ի ֆինանսավորման աղբյուրներն են՝
  - ա/ վճարովի ուսուցումից գոյացած միջոցները,
  - բ/ Հայաստանի պետական ագրարային համալսարանի կողմից նյութական ներդրումները,
  - գ/ ծառայությունների մատուցումից, ինչպես նաև ՀՀ օրենսդրությամբ չարգելված գործու- նեության այլ ձևերից ստացված եկամուտները,
  - դ/ բարեգործական ներդրումները, ՀՀ և օտարերկրյա ձեռնարկությունների, հիմնարկների և քաղաքացիների նվիրատվությունները,
25. «Քոլեջ»-ը սահմանված կարգով Հայաստանի պետական ագրարային համալսարանի միջոցով իրավունք ունի՝
  - ա/ կնքելու տնտեսական և այլ պայմանագրեր, այդ թվում՝ օտարերկրյա ձեռնարկություն-ների, հիմնարկների և քաղաքացիների հետ,
  - բ/ ձեռք բերելու «Քոլեջ»-ի գործունեության համար անհրաժեշտ գույք,
  - գ/ ներգրավելու վարձու աշխատողների՝ նրանց հետ կնքելու աշխատանքային պայմանագրեր:
26. «Քոլեջ»-ը պարտավոր է ապահովել իրեն հատկացված պետական գույքի պահպանումը և արդյունավետ օգտագործումը:

7. «ՔՈՒԵՉ»-Ի ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ

27. «Քուլեջ»-ի լուծարումը կամ վերակազմակերպումը կատարվում է ՀՀ կառավարության որոշմամբ՝ ՀՀ օրենսդրությանը սահմանված կարգով: